

შ.პ.ს. „სუფთა წყალი“, შემდგომში წოდებული როგორც „მიმწოდებელი“, ერთის მხრივ და მეორე მხრივ სსიპ საჯარო სამსახურის ბიურო, შემდგომში წოდებული როგორც „მომხმარებელი“, მეორეს მხრივ, ვდებთ წინამდებარე ხელშეკრულებას შემდეგზე:

**1. ხელშეკრულების საგანი და პირობები**

1.1. „მიმწოდებელი“ ამ ხელშეკრულებით გათვალისწინებული წესითა და პირობებით აწვდის „ბინულის“ მარკის სასმელ წყალს SPV 15980000 (ლიცენზია № 00980, გაცემული საქართველოს გარემოს დაცვისა და ბუნებრივი რესურსების სამინისტროს მიერ 2007 წლის 30 ნოემბერს) 19 ლიტრის მოცულობის მქონე ბოცებით, ხოლო „მომხმარებელი“ იღებს აღნიშნულ პროდუქციას და იხდის შეთანხმებულ ფასს.

1.2. „მიმწოდებელი“ იღებს პასუხისმგებლობას მის მიერ მიწოდებული პროდუქცია შეესაბამებოდეს საქართველოში მოქმედ სანიტარულ და ხარისხის სტანდარტებს.

1.3. „მიმწოდებელი“ პროდუქციის მიტანას „მომხმარებელამდე“ ახორციელებს საკუთარი ხარჯებით. პროდუქციის რაოდენობა და მისი მიტანის ვადები განისაზღვრება მხარეთა შეთანხმებით, როგორც წერილობითი სახით, ასევე სატელეფონო შეტყობინებით ყოველ ცალკეულ შემთხვევაში.

1.4. „მიმწოდებელი“ ვალდებულია ხელშეკრულების გაფორმებიდან არაუგვიანეს 7 კალენდარული დღის ვადაში ხელშეკრულებაში მითითებულ მისამართზე განათავსოს 1 (ერთი) ცალი დისპენსერი და მინიმუმ 3 (სამი) ცალი 19 ლტ. წყლით სავსე ბოცა, რაზეც მხარეებს შორის გაფორმდება საქონლის მიღება-ჩაბარების აქტი.

1.5. „მომხმარებლის“ სარგებლობაში არსებული დისპენსერი და ბოცები გაყიდვამდე რჩება კომპანიის საკუთრებაში.

1.6. „მომხმარებელი“ იღებს ვალდებულებას შეიძინოს თვეში არანაკლებ 5 ცალი ბოცა წყალი ყოველ დაყენებულ დისპენსერზე.

1.7. „მომხმარებელს“ შეუძლია შეიძინოს წყალი როგორც ბოცასთან ერთად ისე ბოცის გარეშე.

1.8. „მომხმარებელი“ ვალდებულია სასმელი წყლის დისპენსერის და ბოცების ექსპლოატაციის პერიოდში, გაუფრთხილდეს მას და დაიცვას მექანიკური დაზიანებისა და დაკარგვისაგან. „მომხმარებლის“ მიზეზით დისპენსერის მწყობრიდან გამოსვლის ან დაკარგვის შემთხვევაში იგი ვალდებულია „მიმწოდებელს“ აუნაზღაუროს 300 (სამასი) ლარი. ხოლო ყოველი დაზიანებული ან დაკარგული ბოცის სანაცვლოდ გადაიხადოს 30 (ოცდაათი) ლარი. სხვა შემთხვევებში „მიმწოდებელი“ ვალდებულია მწყობრიდან გამოსული დისპენსერი შეაკეთოს უსასყიდლოდ ან შეცვალოს ახლით.

1.9. „მიმწოდებლის“ მიერ „მომხმარებელზე“ დროებით სარგებლობაში გადაცემული დისპენსერებზე და მასზე დადგმულ ბოცებში ფირმის მარკირებული წყლის გარდა სხვა სითხის ჩასხმის გამოვლენის შემთხვევაში, „მიმწოდებელს“ უფლება აქვს „მომხმარებელზე“ გაავრცელოს საქართველოს კანონმდებლობით განსაზღვრული სანქციები, ხელშეკრულებით გათვალისწინებული ურთიერთობის გაწყვეტის ჩათვლით.

1.10. იმ შემთხვევაში, თუ მომხმარებელი გადაწყვეტს შეიძინოს კომპანია „სუფთა წყალი“-ს დისპენსერი ან/და ბოცები, წინამდებარე ხელშეკრულების პუნქტი 1.5 ბათილად იქნება ცნობილი და ზემოთ ხსენებული ქონება გადავა მომხმარებლის საკუთრებაში.

## 2. საქონლის ღირებულება და ანგარიშსწორების წესი

2.1. ერთი ბოცა წყლის ღირებულება ტარის გარეშე შეადგენს 9 (ცხრა) ლარს დღგ-ს ჩათვლით, ერთი 19 ლტ. მოცულობის მქონე ტარის (ბოცის) ღირებულება შეადგენს 30 (ოცდაათი) ლარს დღგ-ს ჩათვლით.

2.2 ხელშეკრულების საერთო ღირებულება შეადგენს 540 ლარს წლის განმავლობაში.

2.3. შესყიდვის ობიექტის მიღება ჩაბარება უნდა გაფორმდეს ეტაპობრივად მიღება ჩაბარების აქტით, ფაქტიურად მიწოდებულ საქონელზე. „მომხმარებელი“ ახორციელებს „მიმწოდებელთან“ ანგარიშსწორებას უნაღლო ანგარიშსწორებით. „მომხმარებელი“ ვალდებულია თანხა ჩარიცხოს „მიმწოდებლის“ საბანკო ანგარიშზე: სს საქართველოს ბანკი, ანგარიშის № GE13BG0000000129766400GEL, ბანკის კოდი: BAGAGE22 ანგარიშ ფაქტურის გამოწერიდან 20 (ოცი) სამუშაო დღეში.

2.4. იმ შემთხვევაში თუ „მომხმარებელმა“ არ შეასრულა მიღებული საქონლის ღირებულების გადახდის პირობა, „მიმწოდებელი“ უფლებამოსილია გამოიყენოს საქართველოში მოქმედი კანონმდებლობით გათვალისწინებული სანქციები.

2.5 „მიმწოდებელი“ იტოვებს უფლებას სამომხმარებლო ბაზარზე ფასების კორექტირების შემთხვევაში მომხმარებელთან შეთანხმებით მოახდინოს საქონლის ღირებულების კორექტირება.

2.6 წინამდებარე ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევაში.

2.7 ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

## 3. დავების გადაწყვეტა

3.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

3.2 თუ ასეთი მოლაპარაკების დაწყებიდან 10 (ათი) სამუშაო დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს მუდმივმოქმედ არბიტრაჟს ან სასამართლოს კანონით დადგენილი წესით.

## 4. ხელშეკრულების მოქმედების ვადა

4.1. წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს მიმდინარე წლის 31 დეკემბრის ჩათვლით.

## 5. ფორს-მაჟორი

5.1 წინამდებარე ხელშეკრულების დამდებ რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

5.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მომხმარებლის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

5.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში, იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

**6. სხვა პირობები**

6.1. ხელშეკრულების ცალმხრივად მოშლა დაუშვებელია. იგი შეიძლება მოხდეს მხარეთა შეთანხმებით. (თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში. აღნიშნულის თაობაზე მეორე მხარეს უნდა აცნობოს წერილობით 10 დღით ადრე).

6.2. ხელშეკრულებაში ცვლილებებისა და დამატებების შეტანა დაიშვება მხოლოდ მხარეთა წერილობითი თანხმობით.

6.3. მხარეებს არ აქვთ უფლება მეორე მხარესთან შეთანხმების გარეშე გადასცენ მესამე მხარეს წინამდებარე ხელშეკრულებით განსაზღვრული უფლებები და ვალდებულებები.

6.4. ხელშეკრულება შედგენილია ორ თანაბარი იურიდიული ძალის მქონე ეგზემპლარად, ქართულ ენაზე, რომლებიც ინახება ხელმომწერ მხარეებთან.

**7. მხარეთა რეკვიზიტები:**

“მიმწოდებელი”

შ.პ.ს. “სუფთა წყალი”

საიდენტიფიკაციო №: 205150655

მისამართი: თბილისი, ფალიაშვილის 118

ტელეფონი: 2439-439; ფაქსი: 439-438

ცხელი ხაზი: 595 97 98 98 ;

ბანკი: სს საქართველოს ბანკი,

ანგარიშსწორების ანგარიში:

№ GE13BG000000129766400GEL

კოდი: BAGAGE22

დირექტორი

“მომხმარებელი”

სსიპ საჯარო სამსახურის ბიურო

საიდენტიფიკაციო №:

2 0 5 0 4 7 2 8 8

მისამართი: ქ.თბილისი ინგოროყვას ქ.7

ტელეფონი: 2 19 27 27

ბანკი: სახელმწიფო ხაზინა N220101222

ანგარიშსწორების ანგარიში:

2 0 0 1 2 2 9 0 0

E-MAIL: csb@csb.gov.ge

ირაკლი კოტეტიშვილი  
პასუხისმგებელი პირი(სახელი, გვარი სრულად)

უფროსი